

ONLINE haber

avgust 2021. godine, broj 3.

Općina Stari Grad Sarajevo 

Ljetno kino Stari Grad na višenamjenskom trgu preko puta Vijećnice

Pred nekoliko stotina gostiju, premijerom filma "Deset u pola" bh reditelja i oskarovca Danisa Tanovića, 13.augusta je zvanično počelo sa radom SFF Ljetno kino Stari Grad na višenamjenskom trgu preko puta Vijećnice...



VIŠE NA LINKU 

Pokretanje novih poslovnih ideja u Starom Gradu

Općina Stari Grad, predvođena općinskim načelnikom mr Ibrahimom Hadžibajrićem, izdvojila je oko 65.000 KM kako bi podržala devet poslovnih projekata mladih ljudi iz Starog Grada...



VIŠE NA LINKU 

Uz podršku Općine obnovljeno dvorište Gazi Husrev-begove medrese

Općina Stari Grad, predvođena općinskim načelnikom mr Ibrahimom Hadžibajrićem, sa 180.000 KM u dvije faze finansirala je rekonstrukciju dvorišta Gazi Husrev-begove medrese...



VIŠE NA LINKU 

POSJETITE NAS NA NAŠOJ WEB STRANICI I DRUŠTVENIM MREŽAMA KLIKOM NA IKONICU





Ljetno kino Stari Grad na višenamjenskom trgu preko puta Vijećnice

Pred nekoliko stotina gostiju, premijerom filma "Deset u pola" bh reditelja i oskarovca Danisa Tanovića, 13.augusta je zvanično počelo sa radom SFF Ljetno kino Stari Grad na višenamjenskom trgu preko puta Vijećnice. Općina Stari Grad tako je dobila prvu zvaničnu festivalsku lokaciju u okviru najveće filmske smotre – Sarajevo Film Festivala. Pred sami početak Festivala, općinski načelnik mr Ibrahim Hadžibajrić i direktor Sarajevo Film Festivala Mirsad Purivatra potpisali su ugovor o saradnji na realizaciji projekta Ljetno kino Stari Grad.

Višenamjenski trg je svojom površinom najveći u Kantonu Sarajevo i prostire se na skoro 3.000 m², a svojim položajem u najužoj jezgri zaslužuje epitet najljepše i najatraktivnije lokacije. U noćnim satima i pod reflektorima ova lokacija dobija potpuno drugu dimenziju i pruža neponovljiv doživljaj filmskog festivala. Tokom sedam dana SFF-a na ovoj lokaciji uživale su stotine građana. Početku Sarajevo Film Festivala baš na ovoj lokaciji prisustvovao je i općinski načelnik mr Ibrahim Hadžibajrić sa svojim gostima. Društvo su mu činili privrednici, saradnici i prijatelji.



Općinski načelnik
mr Ibrahim Hadžibajrić

Još prije četiri-pet godina, gospodin Purivatra i ja razgovarali smo o budućem izgledu ove lokacije i kreiranja kina na otvorenom, poziciji platna, stolica i svega ostalog potrebnog za prikazivanje jedne kino predstave. Zbog pandemije korona virusa, tek ove godine smo ostvarili tu ideju i zaista sam sretan zbog toga što smo građanima i turistima ponudili nevjerovatan doživljaj SFF-a na ovakvoj lokaciji. Postoji zamisao da i nakon SFF-a koristimo trg za prikazivanje filmova na otvorenom čime bi potpuno iskoristili potencijal ove lokacije.



Direktor Festivala
Mirsad Purivatra

SFF je već 20 godina 'stanovnik' Općine Stari Grad jer se u ovoj općini nalazi Direkcija. U proteklih nekoliko godina razgovarali smo o unapređenju saradnje i kada smo postavljali mobilijar na ovu novu festivalsku lokaciju, bili smo jako uzbuđeni i sretni. Mislim da dobijamo najzanimljiviju lokaciju, lokaciju koja će zasigurno biti najviše promovisana u Sarajevu, a to je Otvoreno kino Stari Grad u blizini prepoznatljive Vijećnice, što jako puno znači.



Vijećnik Općinskog vijeća
Stari Grad i Gradskog
vijeća Seid Škaljić

Svi smo jedva dočekali ponovo da izađemo na Sarajevo Film Festival poslije dvije godine pauze i to ovdje kod nas u Starom Gradu, na Trgu. Mislim da je od velikog značaja što u Starom Gradu postoji jedno ovakvo mjesto. Osim toga, ovdje sada uvijek možete vidjeti nasmijanu djecu koja se igraju i sretno ljude.



POGLEDAJTE VIDEO PRILOG
KLIKOM NA IKONICU



Pokretanje novih poslovnih ideja u Starom Gradu uz podršku lokalne zajednice

Općina Stari Grad, predvođena općinskim načelnikom mr Ibrahimom Hadžibajrićem, izdvojila je oko 65.000 KM kako bi podržala devet poslovnih projekata mladih ljudi iz Starog Grada. Devet korisnika koji su dobili poticajna sredstva ove godine izabrani su na osnovu javnog poziva za finansiranje i sufinansiranje najboljih poslovnih planova namijenjenih razvoju preduzetništva i zapošljavanju ranjivih kategorija stanovništva, među kojima su mladi, nezaposlene osobe, žene i osobe s invaliditetom koji je realizovan putem općinske Službe za lokalni razvoj i poslove mjesnih zajednica. Na javni poziv pristiglo je 30 prijava, a sve ih je pregledala Komisija za ocjenjivanje i odabir najboljih poslovnih plano-

va. Samo devet aplikacija dobilo je otreban broj bodova da bi bile finansirane.

Bespovratna poticajna sredstva su dobili Senad Džindić (Studio za rehabilitaciju i psihološku podršku), Sanja Kulenović (Studio za grafički i industrijski dizajn), Fatima Fazlović-Nuredini (Proizvodnja i prodaja tradicionalnih bosanskih slastica), Andrea Mirković (Proizvodnja i prodaja sokova od voća i povrća), Šahin Kapo (Izrada fotografija na kanvas platnu), Aida Alihodžić (Računovodstvene usluge), Vedad Hrković (Održavanje i pranje motornih vozila), Amina Maglajlija (Proizvodnja i prodaja svečanih i unikatnih haljina) i Fata Musić (Izrada i prodaja suvenira).



Općinski načelnik
mr Ibrahim Hadžibajrić

Biti uz mlade ljude koji žele svoje poslovanje i budućnost vezati uz svoju općinu i razvijati uspješne biznise jedan je od prioriteta našeg djelovanja. Čestitam im na njihovim poslovnim idejama i hrabrosti da se okušaju u poslovnim vodama. Riječ je o jednom širokom spektru poslovnih ideja koje će realizovati i želim im da uspiju i da u svojim firmama zaposle što više ljudi kako bi se smanjio broj nezaposlenih i zaustavio odlazak mladih ljudi iz Bosne i Hercegovine



Šahin Kapo

Plan nam je proizvodnja fotografija Sarajeva na kanvas platnu i to ćemo nuditi našim klijentima, kao umjetničko djelo, kao lijep poklon, i tako širiti lijepu priču o našem gradu. Prikazujemo sve atraktivne lokacije u ovom gradu, pokušavamo malo da promijenimo perspektivu, da nije onaj tipični prikaz Sarajeva, nego onako kako mi mladi doživljavamo Sarajevo, a najljepše fotografije su uvijek iz Starog Grada



Senad Džindić

Po zanimanju sam fizioterapeut i funkcionalni trener, apsolvant studija psihologije. Što se tiče moje poslovne ideje, to će biti studio u kojem će se izvoditi individualizirani treninzi i pristup rehabilitaciji, znači za svakoga ponaosob. Korisnici će imati i psihološku podršku, pošto proces rehabilitacije traje nekoliko mjeseci pa i godina



POGLEDAJTE VIDEO PRILOG
KLIKOM NA IKONICU



Uz podršku Općine obnovljeno dvorište Gazi Husrev-begove medrese

Općina Stari Grad, predvođena općinskim načelnikom mr Ibrahimom Hadžibajrićem, sa 180.000 KM u dvije faze finansirala je rekonstrukciju dvorišta Gazi Husrev-begove medrese i izgradnju spomen-obilježja poginulim imamima za vrijeme agresije na BiH 1992-1995. Prva faza rekonstrukcija dvorišta završena je 2018. godine, dok je ostatak dvorišta, kao i spomen obilježje okončano krajem prošlog mjeseca. Na poziv direktora Gazi Husrev-begove medrese dr.hfz .Men-

sura Malkića, ovu ustanovu je posjetio načelnik Hadžibajrić, sa saradnicima. Gazi Husrev-begova medresa, koja se nalazi u srcu Bašćaršije, jedna je od najstarijih obrazovnih institucija u Evropi osnovana prije 484 godine. Za upravu Gazi Husrev-begove medrese ima dosta simbolike u činjenici da je ovaj projekat uspješno završen u godini kada se obilježava 500.godišnjica od dolaska velikog gazije i vakifa Gazi Husrev-bega u Sarajevo.



Općinski načelnik
mr Ibrahim Hadžibajrić



Ovo je veoma bitan projekat za Bosnu i Hercegovinu, za Sarajevo, jednom riječju za cijeli bosanski narod i Bošnjake. Medresa je jedna od najstarijih obrazovnih institucija u Evropi i trebamo biti ponosni na tu činjenicu. U vrijeme kada je nastala ova medresa mnogi u Evropi nisu ni znali šta je obrazovanje i zato trebamo biti ponosni na nju i uvijek biti spremni da podržimo projekte očuvanja naše historije i tradicije.



Direktor Medrese
dr.hfz Mensur Malkić



Okončanje ovog projekta na značajnu godišnjicu je velika stvar za nas, jer osim sanacije dvorišta uradili smo i spomen-obilježje za učenike i uposlenike koji su dali svoje živote tokom agresije. Cijeli ovaj projekat finansirala je Općina Stari Grad na čelu sa načelnikom Ibrahimom Hadžibajrićem i koristim priliku da se najtoplije zahvalim i zamolim dragog Boga da pomogne načelniku i ubuduće u hairli projektima koje čini.



POGLEDAJTE VIDEO PRILOG
KLIKOM NA IKONICU